

**III. OUTRAS DISPOSICIÓNS****CONSELLERÍA DE MEDIO AMBIENTE, TERRITORIO E VIVENDA**

*RESOLUCIÓN do 18 de xaneiro de 2019, da Xefatura Territorial de Pontevedra, pola que se aproba a renovación do Plan de aproveitamento específico da anguía na desembocadura do río Ulla para o ano 2019.*

Antecedentes.

Primeiro. A finais do ano 2011 as confrarías de pescadores Santiago Apóstolo do Carril e Virxe do Carme de Rianxo presentaron os anexos I e II do Decreto 130/2011, do 9 de xuño, polo que se regula a pesca profesional da anguía nas augas continentais competencia da Comunidade Autónoma de Galicia (DOG núm. 129, do 6.7.2011), e un plan de aproveitamento específico para a pesca da anguía na bacía do río Ulla para o ano 2012.

Segundo. A Dirección Xeral de Conservación da Natureza ditou Resolución do 20 de febreiro de 2012 pola que se aprobou o Plan de aproveitamento específico da anguía na desembocadura do río Ulla para o ano 2012 (DOG núm. 45, do 5.3.2012).

Terceiro. A Xefatura Territorial de Pontevedra aprobou as sucesivas renovacións anuais do plan mediante a Resolución do 8 de marzo de 2013 (DOG núm. 76, do 19.4.2013), a Resolución do 3 de febreiro de 2014 (DOG núm. 33, do 18.2.2014), a Resolución do 3 de febreiro de 2015 (DOG núm. 27, do 10.2.2015), a Resolución do 14 de xaneiro de 2016 (DOG núm. 20, do 1.2.2016), a Resolución do 12 de xaneiro de 2017 (DOG núm. 21, do 31.1.2017) modificado por Resolución do 9 de febreiro de 2017 (DOG núm. 38, do 23.2.2017) e a Resolución do 27 de decembro de 2017 modificado por Resolución do 5 de marzo de 2018 (DOG núm. 60, do 26.3.2018).

Cuarto. O día 13.12.2018 a confraría de pescadores Santiago Apostolo do Carril presentou a solicitude de renovación do Plan de aproveitamento específico da anguía na desembocadura do río Ulla para o ano 2019 e o día 18.12.2018 e despois de facer un requirimento presentou a solicitude de renovación a confraría de pescadores Virxe do Carme de Rianxo. Xuntan coa solicitude a relación de embarcacións que desexan participar nel. A confraría do Carril propuxo 12 embarcacións e 26 tripulantes, e a confraría de Rianxo 7 embarcacións e 13 tripulantes.



Quinto. O día 20.12.2018 faise un requirimento á confraría de pescadores Santiago Apóstolo do Carril para que axusten o número de tripulantes ao establecido en plans anteriores de xeito que non se aumente o esforzo de pesca.

Sexto. O 27.12.2018 a confraría do Carril remite unha nova lista das embarcacións e tripulantes que solicitan autorización para o plan.

Sétimo. Durante a tramitación do expediente de renovación, solicitouse informe á Consellería do Mar, quen, a través do seu Servizo de Planificación da Subdirección Xeral de Investigación e Apoio Científico-Técnico, emitiu informe sobre a renovación do plan de aproveitamento cunha serie de condicións.

Oitavo. Solicitouse informe á Área de Espazos Naturais Protexidos do Servizo de Conservación da Natureza de Pontevedra, por quedar a zona de actividade parcialmente dentro do espazo natural protexido Sistema fluvial Ulla-Deza, que emitiu informe favorable de viabilidade sobre a proposta do plan.

#### Fundamentos de dereito.

Primeiro. A normativa de aplicación para a resolución deste procedemento vén determinada polo Decreto 130/2011, do 9 de xuño, polo que se regula a pesca profesional da anguía nas augas continentais competencia da Comunidade Autónoma de Galicia, así como pola Lei 7/1992, do 24 de xullo, de pesca fluvial (DOG núm. 151, do 5.8.1992) e polo Decreto 130/1997, do 14 de maio, polo que se aproba o Regulamento de ordenación da pesca fluvial e dos ecosistemas acuáticos continentais (DOG núm. 106, do 4 de xuño).

Segundo. O artigo 9 do Decreto 130/2011 dispón que se poderán renovar os plans de aproveitamento específico de anguía por períodos dun ano, sempre que se cumpran as condicións e informes previstos nos puntos dous e tres do dito artigo.

Terceiro. O xefe territorial da Consellería de Medio Ambiente, Territorio e Vivenda é competente para resolver o expediente, de conformidade co disposto no artigo 9 do decreto 130/2011 e no Decreto 167/2015, do 13 de novembro, polo que se establece a estrutura orgánica da Consellería de Medio Ambiente, Territorio e Vivenda (DOG núm. 221, do 19.11.2015).



**Resolución.**

Visto o exposto nos antecedentes e fundamentos de dereito, acórdase a aprobación da renovación do Plan específico da anguía na desembocadura do río Ulla para o ano 2019 que figura como anexo a esta resolución.

Contra a presente resolución poderá interpoñerse recurso de alzada ante a conselleira de Medio Ambiente, Territorio e Vivenda, no prazo de 1 mes desde a súa publicación, segundo o recollido nos artigos 121 e 122 da Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro).

Pontevedra, 18 de xaneiro de 2019

José Manuel González González  
Xefe territorial de Pontevedra

**ANEXO****Plan de aproveitamento específico da anguía na desembocadura  
do río Ulla para o ano 2019****1. Relación de embarcacións e tripulantes autorizados no plan.**

a) Autorízase para traballaren as embarcacións e os tripulantes que se relacionan no anexo A deste plan. En total autorízanse 18 embarcacións e 37 tripulantes. Deste xeito non se aumenta o esforzo pesqueiro adoptado no plan de aproveitamento da anguía no río Ulla do ano anterior xa que o número de tripulantes non aumenta.

b) O número máximo de tripulantes por embarcación será de tres (3).

Unha vez incluída na resolución a lista de embarcacións e tripulantes, esta non se poderá modificar salvo por causas sobrevidas suficientemente xustificadas.

**2. Período de pesca.**

Desde o día 4 de febreiro ata o 31 de outubro de 2019, período aplicable ás tres zonas de pesca A, B e C.

O número previsto de días de actividade está entre 20-23 días ao mes, cun máximo de 197 días por tempada.

CVE-DOG: xlokdc4-akc2-ejn2-hbi3-btow6qrpme5



### 3. Horas de pesca diarias.

a) Con carácter xeral, os labores de pesca estarán comprendidos entre as 12.00 horas do luns e as 12.00 do sábado.

b) As nasas deberán ser levantadas e revisadas diariamente.

c) Deberán baleirarse as nasas o máis rápido posible para evitar a morte das capturas accidentais.

### 4. Arte.

a) A arte de pesca é a nasa-voitirón.

b) O tamaño da malla non será inferior a 14 mm, medida en diagonal e mollada.

c) As artes de pesca de cada cacea deberán estar unidas por unha corda e irán balizadas segundo a normativa vixente. Levarán en cada extremo unha boia de tamaño mínimo de 20 cm. Nas de dimensións menores indicárase o folio da embarcación que opera con ela.

d) As caceas deberán situarse en dirección paralela á corrente, e non poderán cruzarse nin na canle nin no esteiro.

e) Programarase o tendido das artes de xeito que sempre quede libre un largo do río suficiente para o normal movemento das especies piscícolas migradoras.

### 5. Número de aparellos ou artes de pesca por tripulante e xornada de pesca.

O número de artes de pesca que se empregará en cada unha das zonas descritas no número 6 deste anexo non poderá ser superior a dez (10) nasas-voitirón por tripulante, cun máximo de 80 por embarcación e por xornada de pesca. Non se poderá acumular o número asignado dunha zona á outra.

De conformidade co anterior, e con base no establecido no Plan de xestión da anguía en Galicia, ningunha embarcación poderá empregar máis de 80 nasas-voitirón ao día independentemente da zona de pesca (marítima ou fluvial).



## 6. Zonas de pesca e vedado.

a) As zonas de pesca autorizadas reflíctense no plano que se xunta a este plan como anexo C.

(1) Zona A (ou alta): tramo do río Ulla comprendido entre a ponte de Catoira, como límite superior e a liña recta imaxinaria que une punta Palleiro con punta Grandoiro, como límite inferior.

(2) Zona B (ou media): tramo do río Ulla comprendido entre a liña recta imaxinaria que une punta Palleiro con punta Grandoiro, como límite superior e, como límite inferior, a liña imaxinaria que une praia Longa con punta Seveira.

(3) Zona C (ou baixa): tramo do río Ulla comprendido entre a liña imaxinaria que une praia Longa con punta Seveira, como límite superior e, como límite inferior, a liña imaxinaria que une punta Seveira con punta Rebordexo e a súa continuación, bordeando a illa de Cortegada, ata o faro do dique do Carril, excluída a illa de Cortegada, como límite inferior.

b) Veda: a zona denominada O Cebal permanecerá vedada desde o 14 de xullo ata o 14 de setembro, ambos incluídos, para todo tipo de capturas con nasa-voitirón. Os límites xeográficos desta zona con veda temporal reflíctense no plano de zonificación que se xunta a este plan como anexo C e son os seguintes:

a) Liña imaxinaria que une o lugar de Bamio (San Xenxo ou rampla do cemiterio) con punta Corveiro na illa de Cortegada.

b) Liña de costa da illa de Cortegada que une punta Corveiro con punta do Vao.

c) Liña imaxinaria que une punta do Vao coa zona superior dos viveiros do Carril.

## 7. Especie e tamaño mínimo.

a) Só se autoriza a captura de anguía na fase do seu ciclo vital denominada «anguía amarela» e que alcance a dimensión mínima establecida de 20 cm. Evitarase a captura de anguías na fase denominada «anguía prateada» e todas as que se capturen deberán ser devoltas inmediatamente á auga.



c) Devolverase ao río calquera outra especie que entre nas nasas.

As nasas deberán baleirarse o máis rápido posible para evitar a morte das capturas accidentais.

#### 8. Cotas de captura por tempada.

Mantense a cota total autorizada na derradeira tempada, fixada nun máximo de 5.176 quilos para o total das embarcacións.

#### 9. Rexistro das capturas e remisión de datos.

a) Con periodicidade mensual as confrarías deberán remitir os datos de extracción por especie e por día traballado, utilizando como modelo o que se xunta como anexo B, ao Servizo de Conservación da Natureza en Pontevedra, por correo electrónico ao enderezo [caza.pesca.po@xunta.gal](mailto:caza.pesca.po@xunta.gal), xunto cos xustificantes de venda en lonxa.

b) Deberá indicarse no anexo B a procedencia das anguías capturadas, desagregando as capturas realizadas na zona marítima (M) dentro do plan de pesca de anguía da Consellería do Mar, das capturas obtidas na zona fluvial (F), reguladas polo Plan de aproveitamento específico da anguía na desembocadura do río Ulla, da Dirección Xeral de Patrimonio Natural.

A non inclusión de datos dalgunha das embarcacións no período estipulado terá como consecuencia a súa baixa do plan.

#### 10. Mostraxes.

Durante o período de vixencia do plan, o persoal das consellerías competentes en materia de pesca marítima e/ou fluvial poderá realizar, en calquera das embarcacións autorizadas, mostraxes para o control, seguimento e avaliación do plan. Os armadores deben colaborar de xeito que se permita acadar os obxectivos propostos. A falta de colaboración neste eido ocasionará a baixa definitiva no plan.

#### 10. Extracción e comercialización das capturas e o seu control.

a) A comercialización farase exclusivamente na lonxa, tendo a obriga de entregar nela a totalidade das súas capturas.



b) Mensualmente os participantes do plan teñen a obrigaón de remitir ao Servizo de Conservación da Natureza de Pontevedra os xustificantes de venda en lonxa acompañando os datos de capturas sinalados no número 9.a) deste plan.

Esta resolución queda condicionada ao estrito cumprimento da normativa vixente en materia de extracción e comercialización de produtos da pesca fresca, en particular ao regulado na Orde do 31 de marzo de 2014 pola que se regula a comercialización en orixe de especies eurihalinas de interese comercial (DOG núm. 69, do 9 de abril).

#### 11. Documentación acreditativa.

Antes de iniciar a actividade pesqueira, dentro do período autorizado no plan, cada unha das confrarías deberá entregar a documentación orixinal (ou copia cotexada) correspondente a cada unha das embarcacións autorizadas.

#### 12. Infraccións e sancións.

O incumprimento das condicións establecidas neste plan poderá ser sancionado segundo o establecido na Lei 7/1992, do 24 de xullo, de pesca fluvial.

### ANEXO A

#### **Relación de embarcacións e tripulantes autorizados no Plan de aproveitamento da anguía no río Ulla para o ano 2019**

Confraría de pescadores Santiago Apóstolo do Carril

Embarcación	Matrícula	Participantes no plan
Angeles	VILL-3ª-10.128	José Manuel Pesado Romay
		Juan Gabino Campos Taibo
		Tatiana Pesado Batalla
Auxiliar Pesado	VILL-3ª-8.707	Roberto Barreiro Pesado
		Gerardo Barreiro Pesado
Camba	VILL-3ª-9.952	Elena Lago Pérez
		Ricargo Jueguen Martínez
Eu	VILL-3ª-10.223	Ramón Barreiro Blanco
		María Manuela Outeiral Fandiño
		Juan Francisco García Cameán

CVE-DOG: xlokdc4-akc2-ejn2-hbi3-bitow6qrpme5



Embarcación	Matrícula	Participantes no plan
Gima	VILL-3ª-4.092	José Barreiro Blanco
		Carmelo Campos Taibo
María del Carmen	VILL-3ª-2.652	Alfonso Barreiro Ferreirós
Porto	VILL-3ª-10.131	Rafael Ozores Grande Begoña Barreiro Ferreirós
Tami Uno	VILL-3ª-3-2-08	José Ángel Pesado Taibo
		Alejandro Pesado Taibo
Tilocha	VILL-3ª-9.440	Antonio Pesado Romay
		Marcos Pesado Portas
		Iván Pesado Portas
Vicenta	VILL-3ª-10.156	Miguel Barreiro Blanco
		Miguel Ángel Campos Taibo
Xurxo	VILL-3ª-8-91	José Manuel Diz Álvarez
		María Begoña Gerpe Jamardo

**Total: 11 embarcacións-24 tripulantes**

Confraría de pescadores Virxe do Carme de Rianxo.

Embarcación	Matrícula	Participantes no plan
Conde I	3ª VILL-3-9902	José Ángel Somoza Eiras
		Serafín Rubio Collazo
Curota	3ª VILL-3-4-02	Manuel Vidal Galbán
		Eloy Vidal Galbán
Espada	3ª VILL-3-9473	Jorge Rubio Collazo
		Javier Collazo Moares
Paraná	3ª VILL-3-12-96	José Luis Silva Conde
Peruco	3ª VILL-3-9-98	Juán Bautista Vicente Romero
		Juan Vicente Patiño
Somos Dos	3ª VILL-3-9651	Manuel Cespón Fungueiriño
Xoana	3ª VILL-3-13-92	Juán Diego Tembra Domínguez
		Cristina Ces Ordóñez
		Manuel Tembra Vilanova

**Total: 7 embarcacións-13 tripulantes**

CVE-DOG: xlokdc4-akc2-ejn2-hbi3-btow6qrpme5





## ANEXO B

### Plan de aproveitamento da anguía na desembocadura do río Ulla (ano 2019)

#### Declaración diaria de capturas por embarcación

Nome da embarcación \_\_\_\_\_ MES \_\_\_\_\_

Nº CFPO \_\_\_\_\_

Matrícula e folio \_\_\_\_\_

Día	Número tripulantes	Número de nasas empregadas	Zona de extracción (1)	Kg

Indicarase a procedencia das capturas:

– M, para as capturadas na zona marítima

– F, para as capturadas na zona fluvial

O armador da embarcación

Asinado:

CVE-DOG: xlokdc4-akc2-ejn2-hbi3-bitow6qrpmec5



## ANEXO C Plano de zonificación



<b>Zona A</b> (alta)	Ponte de Catoira	<b>RÍO ULLA-ANGUÍA NASA-VOITIRÓN 2019</b>	
<b>Zona B</b> (media)	Liña punta Palleiro-punta Grandoiro	<b>Vedado O CEBAL</b>	Rampla do cemiterio de Bamio – Punta Corveiro - liña de costa – Punta do Vao - zona superior dos viveiros do Carril
	Liña punta Seveira-praia Longa		
<b>Zona C</b> (baixa)	Liña punta Seveira-punta Rebordexo e, bordeando a illa de Cortegada, que queda excluída, ata o faro do dique de Carril		

